

## **“Occupy Circolo” - mostra interativa**

**Giaurida cun na pigiama party: 01.04.2025 dala 20:00 tl self dla mostres dla Lia Mostra d’Ert**

**Dureda dla mostra: 02.04 – 08.04.2025**

**Orar de giaurida:**

**uni di: 18:00–20:00**

### **Percie tulons’a ite la lerch tl Circolo?**


L’idea de chësta scumenciadiva ie de tré l uedl sun la cundizions ries dl marcjà immobilier. Ulessan dé n message al mond dedora y tl medem mumënt cunlië persones scialdi defrëntes danter ëiles. N’ena alalongia deventerà l Circolo na sort de stua publica, doi paroles che se se stluj perdrët ora una cun l’altra. La stua coche lerch privata y scuneda vën spusteda tl publich. Uni vijitadëur ie nvià a se senti da cësa y tò pea cun sé cosses per fé la lerch tla mostra plu plajjëula y persunela. Acioche la lerch devënte propi nosta, saral nce mesun sté sëura nuet tl Circolo, durmì y gusté deberieda.

Occupy Circolo vën giaurì n merdi ai 1. de autil cun na pigiama party, ulache l sarà roba da maië y buandes (gën sce tulëis pea zeche da sparti per la cëina o l gusté). Daldò puderan durmì te stua.

La stua sarà davierta nchin n mierculdi ai 8 de autil, uni di dala 18 ala 20.

Manifestazions sëuraprò unirà cunedides sun Instagram y Facebook.

La cosses persuneles che n tol pea per fé la stua unirà dates de reviers ala fin dla mostra.



CIRCOLO LIA MOSTRA D'ERT - URTIJËI  
KREIS FÜR KUNST UND KULTUR - ST. ULRICH  
CIRCOLO ARTISTICO E CULTURALE - ORTISEI

Plaza S. Antone 102

I - 39046 Urtijëi (BZ)

[http:// www.circolo.org](http://www.circolo.org)

[info@circolo.eu](mailto:info@circolo.eu)

tel. +39 377-5936350